



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Johannis Strauchi[i] Jcti Amoenitatum Juris Canonici  
Semestria duo**

**Strauch, Johann**

**Jenae, 1675**

Cap. XXII. Ad cap. 25. de Rescr.

**urn:nbn:de:hbz:466:1-10224**

proprium, ut Petrus magister Faber, (quod apud Germanos non obtinet, ubi Meister anteit.) In Doctore verò Theologiæ magistrum præmitti nomini, ut; Magister noster Petrus. Idem notat Hostiensis in summâ de Magist. Appellat Pontifex R. custodem dilectam in Christo filiam. Ita enim titulaturâ postulat, quando scribitur monialibus vel Abbatissis à Pontifice. Vide *c. dilecta de monialium, Except. c. cum dilectam. de conf. ut. & inut.* At quando scribitur Regibus vel Episcopis non consecratis, dicuntur filii. *c. quam gravi de crim. fals.* Vel carissimi, ut *Clem. un. de conv. conj. c. Paetoralis de Jurejur.* Cum vero scribitur Episcopis, Archiepiscopis vel Patriarchis consecratis, vocat eos fratres *d. c. quam gravi. Vi de Rebuff, ad præm. concord. ad verb. Filios. & in formâ mand. a. post. ad verb. dilectis filiis, ibid.*

## CAP. XXII.

## Ad cap. 25. de Rescr.

## S U M M A R I A.

- |                                    |  |
|------------------------------------|--|
| 1. Capitulum istud unde desumptum. | 6. Signiacum.                            |
| 2. Inscriptionis varietas.         | 7. Vallis regia, hodie Vau le Roy.       |
| 3. Facti species.                  | 8. Emblema Raymundi.                     |
| 4. Clausula; Si ita est.           | 9. Parochia de salice, la Cure de Saulx. |
| 5. Nomina propria cap. 25.         |  |

**H**Oc caput desumptum est ex *cap. 2. ejusdem tit. in 4. colle. Capitulum ctione & Innocentio III. lib. 15. regist. epist. 6.* Inscriptio istud unde apud Raymundum est Magistro G. & P. de Firmisca. At desumptum apud Innocentium legitur Magistro G. & P. de Finnis Inscriptio- Canonis Laudunensibus, quæ lectio procul dubio verior est *nis varietas.* Raymundanâ. Facti species hæc est: P. clericus S. Remigii pa- *Facti spe-* rochiam de Salice detinebat, quam R. de Crun, vel de Cruncio, *cies.* per interpositam personam sibi ab Abbate S. Remigii collatam, fuisse dicebat. Unde idem R. de Crun rescriptum impetravit ad Abbates S. Nicasii Remensis, Signiacensem & Vallis Regiæ. Hi delegati partibus iterum & tertio citatis dictum P. Clericum ob contumaciam excommunicaverunt, & fructus parochiæ seque-

strari fecerunt. Postea idem P. accedens ad judices delegatos, promisit se pariturum, à quibus est absolutus, datis literis absolutionis, quibus indicebatur dies & locus, quibus coram Judicibus se sistere deberet, ipse verò locum & diem in literis radens, in loco rasuræ subjecit, quod mandatum esset ut sequestrati fructus eisdem restituerentur. Re cognitâ Pontifex mandavit G. de Vallibus, Magistro G. & P. de Firmiscâ, vel ut est apud Innocentium, de Fimiis, Canonicis Laudunensibus, ut si ita esset, ipsi prædicto P. super dictâ parochiâ perpetuum silentium imposerent, & præfato R. de Crun parochiam assignarent, cum fructibus sequestratis. Cum verò dictus R. rasuram per idoneos testes probasset & postulareret prædictam parochiam sibi adjudicari, Judices dubitaverunt

*Clausula;* ;  
Si ita est.

utrum clausula illa; *Si ita esset*, pertineret ad omnia superiora, an ad articulum rasuræ duntaxat. Respondit Pontifex clausulam ad omnia superiora referri, nempe ad hoc, ut ipsi R. præfata Ecclesia conferatur.

*Nomina propria.*  
ap. 25.

Nomina propria, quæ in hoc capitulo occurrunt, ita sunt emendanda: Memorantur Abbates; Sancti Nicasii Remensis Sargiensis, & Vallis Regiæ. Pro *Remensis* male in quartâ collectione; *Remanensis*. Est enim monasterium Remis, à Ludovico Pio fundatum. Alexander III. in *Epist. 28.* quas Sirmondus edidit, rescribit Guidoni, Abbati S. Nicasii. Pro *Sargiensis*, lege *Signiacensis*, ex epistolâ Innocentii III. Signiacum est monasterium diocesis Remensis, ordinis Cisterciensis, vulgo Signy. Vallis Regiæ

*Signiacum.*  
*Vallis regia, hodie*  
*Vau le Roy.*

Abbatia est ejusdem ordinis & dioceseos, in MSto provinciali Bosqueti sub Archiepiscopo Remensi Vallis Regis Cisterciensis ordinis. Hodie *Vau le Roy*. Constructio verborum hæc est: *Olim nostris auribus fuit intimatum ex literis dilectorum filiorum* (quod compilatio quarta addit.) Abbatum S. Nicasii, Signiacensis & Vallis Regiæ diocesis Remensis. R. *de clivo* apud Innocentium

*Emblema Raymundi.*

non reperitur, sed est emblema Raymundi. In compilatione 4. habetur R. *de Clerini*. At vero apud Innocentium est R. *de Crun*. MStâ collectio Bosqueti R. *de Clerim*. Rectè verò apud Innocentium De Crun. Parochia de Salice est S. Remigii, quod additur in

*Parochia de salice*

compilatione quartâ, omissum Raymundo. Vulgo dicitur, *la*

*Cure*

Cure de Saulx, de S. Remy, ut habetur in indice Gallico Ecclesia. La Cure de  
rum Abbatia S. Remigii, qui eam enumerat in iis, quarum colla- Saulx.  
tio ad Abbatem S. Remigii Remensis pertinet.

## CAP. XXIII.

Ad cap. 27. de Rescr.

SUMMARI A.

1. Emendatur inscriptio.
2. Episcopus Vratislaviensis.
3. Capitulum unde petitum.
4. Species facti.
5. Rescriptum: Cum secundum Apostolum.
6. Vicarius perpetuus.
7. Rescriptorum ad beneficia forma.
8. Forma, cum secundum Apostolum.
9. Litera iustitia, & gratia.

**M**onstruosa est inscriptio; Episcopo *Veratisamensi*. MStum *Emendatur*  
Salanum *Verastanenst*, haud melius. Episcopatum *inscriptio*.  
hujus nominis in orbe frustra quaesieris. Exstat autem  
hoc capitulum apud Innocentium *registro XVI. Epistola*  
*165.* unde vera inscriptio restituenda: Episcopo *Vratislaviensi*. Hic *Episcopus*  
Episcopatus est in Silesia sub Gneznensi Archiepiscopo, totius Po- *Uratista-*  
lonia Primat. Desumptum autem est hoc capitulum ex *c. 4. eod. viensis.*  
*tit. in 4. collectione.* Et errat proinde P. Gregorius, qui in nullam *Capitulum*  
collectione extare ait, sed fuisse appositum per Raymundum ex re- *unde petitum.*  
gesto rescriptorum. Species ejus haec est: Vratislaviensis Epi- *Species facti.*  
scopus ordinavit clericum, vicariam habentem perpetuam, & pa-  
trimonium sufficiens, unde poterat se sine beneficio sustentare.  
Clericus ordinatus absque titulo rescriptum impetravit in formam  
communi; *Cum secundum Apostolum*, ut ei provideretur de bene-  
ficio Ecclesiastico, sub titula vicaria perpetua & patrimonio. Re-  
spondit Pontifex, ordinarium non teneri clerico tali de beneficio  
providere, veritate tacita, quia rescripta in formam communi; *Rescriptum*  
*cum secundum Apostolum*, non solent dari, nisi ut succurratur pau- *Cum se-*  
peribus clericis, qui beneficio Ecclesiastico carent, ut habetur in *cundum A-*  
*hoc cap. & cap. cum secundum Apostolum*, infra de *praebend.* *postolum.*

Vicarius perpetuus, est actu Rector Ecclesiae, sub Priore, qui *Vicarius*  
habitu Rector dicitur, & cujus Vicarius in exercitio dicitur *Vica-*  
*rius*